

τοι πόλλοι στικοί τε καὶ Φαιδρούμονες, καὶ μόνον οἷμα ὅγεις Τύχαις Καστλέις ἔνεκος,
καὶ τῆς εὐτούς περιόδου μεγαλωχίας ἐξευρημένοι. Nempe primitus quidem
hic ordo dabatur solis militiae peritis exercitatisq; loco præmii, sed
postquam nundinatio irrepuit, ignavissimus quisq; emit hunc hono-
rem. Ita enim fieri nimis quam assolet.

Videtis ergo nobilitatem Scholæ. Schola est γυμνάσιον, παιδευτή-
ριον, διδασκαλεῖον, Φροντίστερον, Φοιτητήριον, domus doctrinæ,
domus sapientiæ, domus disquisitionis & considerationis, unde R.
Nechomiah (o) solitus est olim dicere, *Gratias ago tibi, Domine Deus,*
quod posuisti partem meam ex illis, qui consident in scholis, Et non posuisti
partem meam ex sedentibus in angulis viarum. Atq; sic nullatenus im-
probandum est studium docti Adolescentis CHRISTIANI Hirschæ
Sprembergæ-Lusati, qui de Scholarum Dignitate & Utilitate loco Va-
ledictionis peroraturus est oratione Latina soluta, quam memoriter re-
citabit: idem enim ex memoriâ suâ præstítit anno LVIIimo, ubi &
de Spiritu S. vento verba faciebat, & pòst circa festum Christi Natali-
tium *de causis ob quas Salvatori nostro nomen IESU impositum fuisset.*
Nec Parentem ejus Virum Eruditum atq; Prudentiss. Dn. STEPHANUM Hirsch/ Cos. Sprembergensem, & ipsum olim Scholæ hujus A-
lumnum, umquam pœnitibit, quod anni CIC CIC LVti die XXVII. Se-
ptembris *Cotbusio* arcessitum nostris Muisis Evangelicis Filium con-
secraverit, neq; ipse suâ se spe aut voto à nobis fraudatum dicere
umquam poterit, quin potius pulcrè sibi fœneratum hoc temporis
fatebitur atq; prædicabit, neq; etiam, ad quos ille venturus cunq; est,
idem istud non cum aliquâ nostrâ laude & ipsius fruge agnoscent.

Frigida cervorum mens est, *Lucretius* inquit, lib. III, v. 300.

& motu tremulo membra salire solent:

Davidi gelidas adspirat cervus ad undas, Psalm XLII.
utrabidam possit fonte levare sitim.

Sic Tua, CERVE, Deum sitiant mens, auris & ora,
nempe Redemptoris flumina pura sui,
Dab. Budiss. Lusatiæ ad d. V. Kalend. Aprileis CIC CIC LIX.

(o) Buxdorff. Florileg. Hebraic. Tit. Schol a,

Sal-